

در سعادتده باب عالی جوارنده
داره مخصوصه

محل اداره :

صراط مستقیم

۱۳۲۶

مسکونه موافق آثار جدیده مع المنوبه
قبول اولور
درج ابدیهین آثار احاده اولور

اخطار :

دین، فلسفه، علوم، حقوق، ادبیات و سیاسیات و باطاعت کرم سیاسی و کرم اجتماعی و مدنی احوال و شئون اسلامیه و بحث ایدر و هفتده بر نشر اولور.

آبونه بدلی

صاحب و مؤسسلری :
ابوالعلا زین العابدین - ح . اشرف ادیب

در سعادتده نسخه سی ۵۰ پاره در

سنة لکی التي آلتی

عماک عثمانیه ایچون	۶۵	۳۵	غروش
روسیه	۶۰۰	۳۰۰	روبله
سائر ممالک اجنبیه	۱۷	۹	فرائق

تاریخ تأسیسی

۱۰ تموز ۳۲۴

قبرله دن مقوا بورو ایله کوندریلیرسه سنوی
۲۰ غروش فضله آلتیر

عدد : ۹۸

۱۴ رجب لفرد ۳۲۸ پنجشنبه ۸ تموز ۳۲۶

در دنجی جلد

و ایضاحی منزله سنده قلنمش اولغله منع علیهم بولنان مسلمینک طریق
استوا واستقامتده علم کی مشهود اوله رق هر نه زمان طریق مستقیم
ذکر اولغله فهمه طریق مسلمین تبادر ایده جکنه بایغانه بر صورتله
تنصیص ایچوندر .

نعمت اسلام اکمل النعم اولغله و بوقول کریمک دلالت ایلدیکی
نعمت مطلق ذکر اولغله دینی جهته کماله مصروف بولنه جفته مبنی
بوراده منع علیهم ایله مراد مسلمین در و نعمت اسلام بتون نعمت لک
عنوانی اولوب نعمت اسلامی حائر بولنانلر کافه نعمی حائر اولدقلرندن
انعامک مطلق اوله رق ذکر ایدلمسی قصد شمول ایچوندر . بعضیلری
دخی : جناب حقیق قوللرینه احسان ایلدیکی نعمک اجل و اکملی
نبوت اولدیغندن بو مقامده مطلق اوله رق ذکر اولنان نعمت نبوته
مصروف اوله جفی جهته منع علیهم ایله مراد انیدار دیدیلر . مأمول
اولدیغنه کوره اظهر اولان بودر که منع علیهم اولانلر ، [فاولئک
مع الذین انعم الله علیهم من النبیین والصدیقین والشهداء والصالحین]
قول شریفده ذکر اولنانلردر ، مراد بونلر اولدیغنه بوقول شریفک
ماقبلنده کی [واهدیناهم صراطاً مستقیماً] نظم جلیلی شهادت ایدر .
بعضیلری دیدیلر که بوامتک آحادندن هر برفردک طلب ایتدیکی صراط
مستقیم ایله مراد کنسیدیلرندن اول کذار ایدن اصحاب صراط مستقیمک
صراطی اوله جفندن منع علیهمک صراطی ایله مراد ، اصحاب موسی
وعیسی علیهما السلامک تحریف و نسخدن اول سالک اولدقلری
صراطدر . زیرده کی آیتده ذکر اولنان مغضوب علیهمدن و ضالیندن
مراد ایسه علی الاطلاق دوچار غضب الهی اولانلر ایله علی الاطلاق
ضالده قالانلردر . بعضیلری : منع علیهم ایله مراد مسلمیندن برطائفه
غیر معینه اولوب مغضوب علیهمدن یهود و ضالیندن دخی نصاری مراد

یومئذ یفرح المؤمنون بنصر الله

مادام که کوردک بو کوزل کونلری ، آرتق
ای ملت مرحومه ا حیاتک ابدیدر .
اقبالکی تأیید ایده جک نصر الهی ؛
امید قوی ، چونکه مواعید قویدر .
آفاقده ، انفسده عیان شوق ایله بزده
قالقک ایدهلم خالق حریته سجده .

نفسیه شریف

انوارتد آن

تفسیر

صراط الذین انعمت علیهم

بوصراط اولکی صراطدن بدل کل صورتیه بدلدیر و مقصود
بالنسبه اولق حسیله عاملک تکریری حکمنده در . بونک ایکی فائده سی
اولوب بری نسبی تأکید و دیگری دخی بوقول کریم ماقبلک تفسیر

اولدیغنه ذاهب اولمش ایسه ده طرز بیان شریف بوذهابدن ابا ایدر - ق س ش .

شیخ محمد عبده مرحوم منعم علیهم ایله مراد ام سالفه نك اخیار واصفیاسیدر دیان مفسرینك قولنی ترجیح ایدرك بونی بر صورت قطعیة واضحه ده اذهانه تقریب ایلدیکی کی منعم علیهم ایله مسلمین ، مغضوب علیهم ایله یهود ، ضالین ایله نصاری مراددر دیانلرك سوزینی دخی شدتله جرح ایدوب شوزمینده بسط مقال ایلدور: بعضیلری منعم علیهمی مسلمین ، مغضوب علیهمی یهود ، ضالینی نصاری ایله تفسیر ایتدیلر. بز دیرزکه امام علی رضی الله عنہک دیدیکی کی فاتحه ایلک اول نازل اولمش سورده در . حضرت حیدر کرار آغوش جناب نبی محترمه پرورش بولمش وایلك اول ایمان ایتمش اولدینی جهتله بو خصوصه دیگرلرندن دها زیاده آشنادر . فاتحه علی الاطلاق ایلک نازل ارلش سورده اولمشه بیله ایلک نزول ایتمش سوردلرندن بری اولدیغنده اختلاف یوقدر . حالبوکه مسلمینك هدایتلری انجق وحی ایله حاصل اولدیغندن انلر نزول وحیک اوائلنده هنوز کندی هدایتلرینه اهتدا طلب اولنور درجه ده دکلر ایدی . شو حالده مسلمکترینه هدایت اولنسی بوقول کریمده طلب اولنانلر ایله مراد انجق [فہداهم اقدم] نظام شریفنده ذکر اولنان اخیار واصفیادرکه بونلرده ام سالفه دن جناب حقك انعام ایلدیکی نبین ، صدیقین ، شہدا ، صالحین در . جناب حق فاتحه ده اجمال وبقیة قرآنده تفصیل ایلدیکی معلوم بر شیئہ احالہ انظار بیوریور . قرآنك تقریباً اوج ربعی قصص و حکایات اولوب بوقصص و حکایاتله نظرلر امك کفر و ایمانلرینه و شقاوت و سعادتلرینه دائر احوالندن عبرت آلمغه توجیه اولمشدر . عقوبات ووقائع قدر انسانی ارشاد ایدر هیچ برشی یوقدر . بز امر وارشاده امثال ایدوبده ام سالفه نك احوالنه و علم و جهللری ، قوت و ضعفلری ، عز و مذلتلری و سائرہ کی امتلرہ عارض اولان اسبابه نظر ایدنجه بونظر نفوسمزہ تأثیر ایدرك سعادتہ وروی زمینده تمکن و استقراره سبب اولان امورده بزى او امتلرك اخیارینه حسن اقتدایه و فلاکت و سفالته و یاخود کلیاً محو و اضمحلاله مؤدی بولنان احوالندن اجتنابه سوق ایدر . ایشته بوندن اهل عقل و شعوره علم تاریخك شان و اہمیتی و بوعلمك نه قدر فوائد و ثمراتی بولندیغنی عیان اولور و بویله بر کتاب جلیلی بولنال برامتك رجال دینندن يك چوقلرینك دین نامنه تاریخه بغض و عداوت ایدوب اندن اعراض ایلدکلرینی و تاریخه نه حاجت واردر نده فائدہ سی واردر کی سوزلر تفوه ایتدکلرینی اهل عقل و شعور ایشیدنجه دہشت و حیرت ایچنده قالور . نصل مستغرق دہشت و حیرت اولسون که احوال امی معرفت بودینك دعوت ایلدیکی مهام اموردندر دیه قرآن صوت بلند ایله ندا ایدوب طور یور [ویستمجلونك بالیسئۃ قبل الحسنۃ و قدخات من قباهم المثلات] .

تواریخ اولدی دهرک ترجمانی
وقایع بیلدیرر یوقدر زبانی

کھی بسط مقال ایلر سیردن
سوز آچار غزوة خیرالبشردن

خبر ویرر کھی نام آوراندن
حکایات سلاطین جہاندن

کھی ایضاح سیر دولت ایلر
بیان حال ملک و ملت ایلر

نو وکنہہ حوادث اول آخر
اولور تاریخدن معلوم و ظاہر

تواریخ اولدیغیچون فن عالی
اکا رغبت ایدر طبع عالی

بو فنك صاحبی کامل نظردر
بوفندن غافل اولان بی خبردر

وقایع یازمسه اهل معارف
کیم اولوردی سلف حالینہ واقف
نعمی

برراده شو سؤال وارد اولورکه ام متقدمه نك صراطنه اتبعاع ایتکی جناب حق بزہ نصل امر ایدیور ؟ حالبوکه بزده او یله احکام وارشادات وارکه اواحکام وارشادات ام سالفه ده یوق ایدی و بوندن ناشی درکه شریعتمز آنلرك شرائعندن اکمل و زمانمزہ والی الابد ازمنہ مستقبلہ یه اصلح اولمشدر . قرآن بوسؤالك جوابی بزہ بیان ایدیور ، زیرا تصریح ایدیورکه دین الله جمیع ائمه بردر ، احکامك اختلافی انجق اختلاف زمان ایله مختلف بولنان فروعمده در ، اصول شرائعده اختلاف اولیوب بری برینی مصدق و مؤیددر . ذات باری عزشانه حضرتلری کتاب کریمك بر موضعنده [قل یا اهل الکتاب تعالوا الی کلمۃ سیواء بیننا و بینکم .. الا یہ] بیوردینی کی دیگر موضعنده دخی [آنا اوحینا الیک کما اوحینا الی نوح و النبین من بعده .. الا یہ] بیورمشدر .

ایمدی الله ونبوته و ترک شره و عمل بر وخیره اعتقاد و اخلاق فاضله ایله تخلق بونلرك جمله سنی جامع بولندیغندن جناب حق بزہ اصول و قواعد خیری اداده ام سالفه یه اقتدا ایتمکلکمز ایچون انلرك نه حالده بولندقلربنه نظر ایتهمزی و عاقبت حاللرندن عبرت آلمقلغمزی امر ایتمشدر . دایلی مدلوله و علنی مدلوله مقسارن قلمق و سبب ایله مسسبک بینی جمع ایتک [یعنی ر شیئك امر و حکمی ایچنده اول امر و حکمك سر و حکمتی ضمناً انهام ایلک] دأب قرآن اولدیغندن بواصر دخی دأب قرآن اوزره بر امردرکه شو نظر و عبرتده خیر و سعادت بولندیغنه دائر دایلی تضمن ایدر . احکامك اجمالاً کلیاتی شو ذکر ایتدیکمز اموردن عبارت اولوب او احکامك تفصیلاتی ایسه شریعتمزدن و پیغمبر من صلی الله علیه و سلم افندمزدن او کره نورز .

مغضوب علیهم کلنجه ، بونلراول کیمسه لردر که حق کلامشیکن
دائرہ حقندن خروج ایدرلر و کندیلرینه شرع و دین الهی واصل

اولدینی حالده ترك دایسل ایدرك وتوارث ایلدکری قیل وقاله پیرو اولهرق آنی رد ایدوب قبول ایتمزلر .

ضالین ایسه یوللرده سرسم سرسم طولاشدوق جاده یی بوله میانلردر . بونلرده اول کیمسه لردر که کندیلرینه صیت رسالت واصل اولامش ویاخود واصل اولمش اما حق کندیلرینه عیان اولور وجه ایله دکل . نظم جلیل دلالت ایدیور که منعم علیهم ، مغضوب علیهم ، ضالین اولمق اوزره اوچ فرقه واردر . آزاده شک وارتیایدرك که مغضوب علیهم ده اهل ضالندر ؛ معافییه حق طاییدقن صکره آندن عن علم انحراف ایدنلر ایله طریق حق کندیلرینه ظاهر اولدیغندن طولایی صایه یوللرده حیران و سرگردان بولسا نلر ارمسند فرقه واردر . لکن حقینه [ضال] انحق اوسرسمدر که کوراک ایچنه دوشمشده کورایکندن ناشی مطلوبه یول بوله نامشدر . دینده کوراک ایسه حق باطله و صوابی خطایه قارشیدران شهادتدر .

حکیم مشارالیه رحله فضیلتده تقریر دلپذیری بوحده ابلاغ ایتدکن صکره ضالینی درت قسمه تقسیم ایدیور و برنجی ایله ایکنجی قسم ضالینک کیملر اولدینی و دنیا و آخرتده بونلرک حاللرینی یکان یکان سویله یور ، نهایت اوچنجی و دردنچی قسمنه عطف مقال ایدوب بونلرک کرک نفسلرنده کی سوء اعمالی و کرک امتده حاصل ایتدکاری سوء تأثیراتی یاد ایتدکجه هیجانی تزیید ایلیرک شووجه ایله تقریر ایدیور :

اوچنجی قسم ضالین شونلردر که کندیلرینه امر رسالت واصل اولهرق آنی تصدیق ایتمشلر سده بوتصدیق ادله رسالته نظر و اصول وقواعد رسالته وقوف ایله اولدیغندن اصول عقائده دائر رسالتک تبلیغ ایلدیکی احکامی فهمده هواء نفسانیینه تابع اولمشلردر ، بو کیمسه لر هر دینده مبتدع اولانلردر . دین اسلامده مبتدع اولانلرده بوقیلدندر . بونلر اعتقادلرنده مجموع قرآنک دلالت ایلدیکی و سلف صالح ایله اعل صدر اولک اقتدا ایتدکاری امور دن انحراف ایلدکاری جهته امتی شاربک حرارتی تسکین ایتیه جک بر طاقم مشارب غصه انکیزه تفریق ایتدیلر . بو کر وهک خلقده حاصل ایلدکاری تأثیراتی برنبذه کوستره لم . بر آدم دواثر قضایه کلیور ، شویله .. شویله .. ایتدیکی اوزرینه بنندوعظیم اولان الله ویاخود کلام قدیم الهی بولنان مصحف شریف ، عین ایتسی طلب اولنیور ، علامت کذب یوزندن نمایان اولدینی حالده بو آدم عینی ایدیور . بونک اوزرینه طالب تحلیف اولان کیمسه شکل دعوائی بشقه بر صورت چویره رک بو آدمک اعتقاد ایلدیکی مشایخ طریقتدن برشیخه عین ایتسی طلب ایدیور . اوزمان بو آدمک تی بکزی اوچیور ، وجودی صار صایور ، صکره کندی غی و ضالانه کلهرک اوشیخک اسمنه تکریم ایچون وانک نامه یلان یره عین ایدرسم المده کی نعمت زائل اولور ویاخود بر فلا کته اوغرارم قورقوسیل طوغری بی سویله یور واولج ، یا بدم دیه مع القسم بیان ایتدیکی شیئی یایدیغنی . تقریر ایدیور [شیخ محمد عبده مرحوم بوراده بونک کی ده برچوق وقعه ل ذکر ایتمشدر] . بوحال اصول عقیده ده برضالندر که اعتقاد بالهده و جناب

اقدس کبری انک افعالده وحدانیتند اثر و وجوب اعتقادده کی ضالانه راجعدر . دردنچی قسم ضلال دخی اعمالده ضالاندر و احکامی مایه لهندن تحریردر . صلاة و صیامک و جمیع عباداتک فهم معناسنده خطا ایله معاملاتده وارد اولان احکامک فهمنده اولان خطا بوقیلدندر . مثلاً برمالده زکاة واجب اولماق ایچون اول مال حلول حولدن اول غیرک ملکته تحویل ایدلکدن صکره حول نایندن برازمدت کچرکمز انی استرداد ایدرك زکاتده حیل ایدیور ، بصورتله استعمال حیل ایدن کیمسه بوحیله سیله اداء فریضه دن قورنلدیغنی و حضرت علام الفیوبک غضبندن نجات بولدیغنی ظن ایدیور . بیلیمور که بوحیله سیله اهم ارکان دیندن بررکنی هدم ایتدی و جناب حق بر فرضی فرض قلمسیله برابر اوفرضی ازاله و اثرینی محو ایدر بر شیئی ده برلکده مشروع ایتمشدر دیه ذات الوهیتی ایچون محال اولان بر کیفیتی اعتقاد ایدن کیمسه نک عملی کی عمل ایتمش اولدی .

بوضالان اوچ قسمک اثری ایتلرده ظهور ایدرك قوای ادراکنه خلل کلور ، اخلاقته فسادطاری اولور ، افعالنده تشوش واضطراب بوانور ، جناب بارینک عبادنده کی عادت الهیه سی وجه ایله بهمه حال جانب کبریاسندن بر عقوبت اولهرق انلره ادبار و سفالت چوکر [وان تجدلسته تحویلا] . برامته وهن وضعف کلسی و مبتلای مصائب و شدائد اولسی ، عقائد و اعمالند سنه الله مخالف اولهرق احداث ایلدیکی حالاتدن طولایی مستحق اولدینی غضب الهی نک علامات و دلائلندن عدا و لنور . بونکچون حق جل و علا حضرتلری ذات الوهیتیه نصل دعا ایده جکمز ، یعنی حدود الهیه ده طوره رق و بزی هدایت ایلدیکی اشیایی فهم ایتک صورتیه عقول و اعمالی تقویم و تحکیم ایلیرک نائل نعم ربانی اولمش امتلرک طریقته بزی هدایت ایتک و شرائع الهیه دن کرک عمداً و عناداً و کرک غوایه و ضلالاً انحراف ایتلیرله حقلرنده آثار نقت قهارانه ظهور ایدن امتلرک مسلک لرندن بزی محتجب قلمق ایچون نیاز و تضرع ایتک لکمز بزه تعلیم ایلدی .

خلاصه ، بیانعلی در که بر امت سبیل حقدن صابجه لاحاله کریوۀ ادبار و سفالته دوشر و اوامت یوم حسابده عذابدن نصیبه قاووشه جقسده جناب حق بودنیاده دخی انلرک عذاب و عقوبتی اوکونه قدر تأخیر بیورمیوب اوزرلرینه شئون و افعالنده مستبد اولهرق کندیلرینی تذلیل ایدن برینی مسلط ایدر . اکر اوامت انتباهه عودت ایتوبده بالعکس غی و ضالانده تمادی ایدر سه جناب منتقم قهار دخی انلری هلاک ایتال ایدرك عالم وجوددن اثرلرینی محو و نابود ایلر . ایسته بوسر و حکمته مبنی در که جناب رب رحیم و کریم اقوامک سلامت و سعادت لرینه بادی اولان اسبابی تدقیق ایله عبرت المفلغمز ایچون امم سالفه و حاضر نک احوالنه نصل احاله نکاه امان ایده جکمز بزه لطفاً و کرماً تعلیم بیوردی . افراد امته کلنجه ، هر اهل ضلاله بو حیات دنیا ده عقوبتک لزومه دائر سنه الله جاری اولدینی یوقاریده ذکر ایدلشیدی . نیجه اهل ضلال وار در که ذوق و صفا ، رفاه و نعم ایچنده اوقات گذار اولهرق رهرو دار جزا اولمشدر . بو کیلر جزای مایلیقنه [یوم لا تملک

نفس^۱ لنفس شیئاً والامر یومئذ لله [نظم جلیله] بیان بیوریان کونده ملاقی اولورلر — انتهى .

انعام : نعمت احسان ایلکدر . نعمت : رفاه حاله ، نفسک استلذاذ ایلدیکی شیئه دینور . نعم الهیهک عد واحصای مستحیل اولمغله برابر دنیوی و اخروی اولمق اوزره ایکی جنبه منحصردر . نعمت دنیویه دخی و هبی و کسبی اوله رق ایکی قسمدر . و هبی ده ایکی قسمدر . بریسی روحانی در : جناب بارینک انسانه نفخ روح ایتسی و افاضه قوای مدر که ایلهانی اضائه ایلسی کی . کسبی اولان قسم : نفسی رذائلدن تزکیه ، اخلاق سنیه و ملکات فاضله ایله تحلیه ، و بدنی هیئات مطبوعه و ملباس مستحسنة ایله تزیین ایلک و جاه و مال حاصل اولمقدرد . ایکنجیسی که اخروی اولان نعمتدر ، اوده جناب رب کریمک قولندن صادر اولان زله بی عفو و مغفرت ایله اندن خشنود اولسی وانی مقربین ایله برلکده ابدالآبدین اعلای عالیینده مهمان ایتسی در . [انعمت علیهم] قول کریمک دلالت ایلدیکی نعمت ایله مراد . نعمت اخرویه ایله برابر نعم دنیوییدن نفسی تزکیه و تحلیه کی نعمت سرمدیة اخرویه بی احرازه وسیله اولان قسملردر — ق ش .

★

تفسیر

غَیْرِ الْمَنضُوبِ عَلَيْهِمْ وَلَا الْضَالِّينَ

[غیر] کلهسی موصولک صفتی در و منعم علیهمک مقابله اضافت ایله تعرف و تعین ایتشدرد .

غضب : اراده انتقام ایچون نفسک هیجانی در ؛ حق سبحانه و تعالی حضرتلرینه اسناد اولندقدده منتهی و غایتی مراد اولنور س . غضب : آرزوی انتقام ایچون دم قلبک غایبانه حاصل اولان نفیردر . علیه الصلوة والسلام افندمزک [اتقوا الغضب فانه حجرة توقد فی قلب ابن آدم الم تروا الی انتفاخ اوداجه و حرة عینیه] قول نبویلری بومعنادن مأخوذدر — ش .

مال شریفی : غضبدن حذر اوزره اولک ، زیر غضب آدم اوغلنک قابنده ایقاد اولمش بر آتش قوریدر ، کور میورمی سکیز غضب حائنده انک شاه طمرلری نصل شیشیور و کوزلری نصل قیزاریور دیمکدر . اللهمک غضبی ، انک عقوبت و انتقامی در — ع . بوراده برقاعده کلیه وارددر ، اوده شودر : رحمت ، فرح ، سرور ، غضب ، حیا ، غیرت ، خداع ، استهزا کی نه قدر اعراض نفسانیه وار ایسه هپسنک اوایی و هپسنک غایاتی وارددر و مثلاً غضبک اولی و غایتی وارددر که اولی دم قلبک غلیانی و غایتی مغضوب علیه ضرر ایصالی در . ایمدی غضب کلهسی جناب اقدس حقنده استعمال اولندقدده اولی بوننان غلیان دم قلبه حمل اولنماز ، بلکه غایتی بولنسان اراده عقوبته حمل اولنور . کذلک حیاتک اول و آخری وارددر ، اولی نفسده حاصل اولان انکسارددر ، غایتی ترک فعلدر . ایمدی حیاء کلهسی جناب اقدس حقنده

استعمال اولندقدده ترک فعله حمل اولنور ، انکسار نفسه حمل ایدلمز . بویان بوبابده برقاعده شریفه در — ف .

نعم و خیراتی جناب اقدس کبریایه نسبت ایدوب اضدادینی نسبت ایتماک آداب قرآنیه دندر ؛ ایشته بو مقامدهده بومنهاجه سلوک ایله ذات الوهیتنه انعام اسناد اولنمشیکن اسناد غضبدن عدول اولنمشدر . نته کیم [الذی خلقنی فهو یهدین والذی هو یطمعنی ویسئقن و اذا مرضت فهو یشفین] قول کریمی ایله [وَإِنَّا لَأَنذِرُ أَشْرَّ أُریدَ بِن فی الارض ام اراد بهم ربهم رشدا] نظم جلیلی ده اسلوب مذکور اوزره وارد اولمشدر — س .

[غیر] لفظده معنای نفی بولندیفندن نفی تأکید ایچون [ولا الضالین] قول کریمی [لا] کلهسنه مقارن قلنمش و کویا [لا المنضوب علیهم ولا الضالین] دینلمشدر — س .

★

تفسیر

آمین

[آمین] کلهسی مستجاب ایت معناسنه اسم فعلدر . ابن عباس رضی الله عنهما حضرتلرندن مرویدر که [رسول الله صلی الله تعالی علیه وسلم افندمزدن «آمین» ک معناسنی صوردم ، معناسنی «افعل» در بیوردی] دیمش . التقاء ساکنیندن حذر ایچون [أَمِينَ] کی فتحه اوزرینه بنا قلندی . بوکلهده الفک مدی لغت اولدینی کی قصری ده لغتدر . مجنون عامرینک شومصراعنده :

ویرحم الله عبداً قال آمیناً

مد ایله وارد اولمش ، دیگر برشاعرک شومصراعنده دخی :

امین فزاده ما بیننا بعدا

قصر الف ایله ورود ایتشدرد — س ش .

[امین] کلهسی میم مخفف اولدینی حالده الفک مد وقصری ایلهدر ؛ اولکیسی افصح و اشهردر . یاخود امام واحدی نک دیدیکی کی میم مشدد اولدینی حالده الفک مد وقصری ایلهدر . بعضیلری : مد و تشدید ایله [آمین] دیمک نمازی افساد ایدر دیمش و بعضیلری افساد ایتمز دیمش ؛ فتوی ایکنجی قول اوزرینه در . علامه زحشری : کله مذکوره [همین] ک معربی در دیمش . شیخ رضی : [هابیل] کلهسی کی [آمین] کلهسنکده سریانی برلفظ اولدینی ذکر ایتشدرد . — ملتقی شازحی داماد .

نی محترم صلی الله تعالی علیه وسلم افندمزدن [لقد ننی جبریل آمین عند فراغی من قراءة فاتحة الكتاب] بیوردقلری روایت اولدینی کی دهان دررفشان جناب رسالتا بلرندن [انه کالختم علی الکتاب] حدیثی دخی شرف صدور ایتشدرد — س . اولکیسنک مال شریفی : فاتحة الکتابک قرائتندن فراغتمده جبریل بکا [آمین] دیمکی تلقین ایلدی دیمکدر . ایکنجیسنک مفادعالیسی : [آمین] مکتوب اوزرنده کی مهر کی در دیمکدر که مهر مکتوبدن ، مضمونه مرسل الیهدن ماعداسنک

آلدی ونی زیره قارشى مجير اول ديه نيازده بولندی . عبدالمطلب ده مومالیهی باباسی هاشمک ناسی اطعام ایچون آش پیشیردیکی بویوک قزانلرک بولادینی محله کیزله دی . بر مدت اوراده قالدقن صوکره جیقوب کیتمسنی امر ایتدیسه ده حرب بر درلو جسارت ایدوب چیقامدی . دیدی که فصل چیقا بیلیم . سنک یدی اوغلوک قلیجلیری اللرنده قابوده بکله یورلر . عبدالمطلب تبسم ایله کنندی رداسنی اکسا ایدرک خانه دن چیقاردی . اوغللری بو حالی کورنجه بابالرینک حمایه . سنده اولدیغنی اکلایدرق طاغلیدلر .

بو قصه ده بک صحیح و موثوقدر . حتی عبدالله بن عباس رضی الله عنهما معاویه حضرتلرینک انهای خلافتده زیارتنه کلن رؤسای عرب قارشى جدی حرب بن امیه ایله مفاخره صددنده صرف ایتدیکی بعض کلماته بالمقابله « اوت ! جدیکیزک خیلی شان و شهرتی واردی . فقط قزانلر آرقه سنده کنیدیسنی کیزله دکن صوکره رداسیله حمایه ایدن ذات هر حالده اونک فوقنده اولمق لازم کلیر ظن ایدرم » بیورمش و معاویہ نی سکوته مجبور ایتمش ایدی . دو قور دوزی بحق مستشرق اولسه بو قصه لره آکاه اولمق اقتضا ایدردی . عبدالمطلب نبی اکرم افندیمر حضرتلرینی بک معزز و مکرم طوتار ، دائماً موقع تعظیمده بولندورردی [۱] . بوکا سبب باعث ده کیزک ولادت سینه دن اول ، کیزک آندن صوکره علمای اهل کتاب و کهنه عرب وارباب فراستدن آلدینی معلومات ، مشاهده ایتدیکی اک واضح علامات و بالخاصه رؤیالرنده وقوع بولان تبشیرات اولوب هر زمان بو اوغلومک شانی عظیم اوله جق ، سایه سنده قوم عرب کسب ارتفاع ایده جک در دیردی . عبدالمطلب — بالاده انبا اولندیغنی اوزره — قوم قریش نظرنده غایت محترم ایدی . هر وقت کعبه معظمه اتصالیده کنیدیسنه مخصوص سریر وضع اولنور اساط ترتیب ایدیلردی . بوتون عظمای قریش اطرافسه اجتماع ایدرلردی . هیچ بری اونک یرینه کچمز ، مقامنه اوتورمازدی . نبی اکرم افندیمر هنگام طفولیتلرنده بعضاً کلیر ، ناسی یاره رق جد سامیلری یانسه اوتورلردی ، احیاناً جدارندن اول او مقامی شریفله اساط مخصوصه قدمزن سعادت اولورلردی . بر دفعه عمو جه لرندن بری ممانعت ایده جک اولدی . عبدالمطلب مومالیهی زجر ایله اوغلومه ایلشیمه یک اونک قدری هر کسک فوقنده در . بیوردی بعده کنیدیسنی آلوب یانسه اجلاس ، ظهر مبارک لرینی مسح ایله عرض استیناس ایلدی .

پدرلری حضرت عباسدن نقلاً عبدالله « رضی الله عنهما » شویله بیورمشلر . عبدالمطلبک حجر اسماعیل « ع . م » ده مفرشی « مفروشات ایله تزین ایدلمش مقام مخصوصی » وار ایدی . حرب بن امیه وسائر اشراف قریش اونک جوانبده دیزیلرلردی . هیچ بری مقام مشارالیه تجاوز ایتزدی . بر کون رسول ذیشان افندیمر کلوب طوغروجه اورایه جلوس بیوردی . حضاردن بری قولندن طوتوب قالدیرمق [۱] دوزی ده بو حقیقی انکار ایده میور . لکن اسباب موجب بیانه یناشه میور . چونکه بوجهت مساک غرضکاریسی ایله اصلاً توافق ایتیمور .

مطلع اولمسی فسادنی منع ایلدیکی کبی [آمین] ده دعای ، داعینک اجابتدن خبیت و حرمانی انتاج ایدن فساددن منع ایتدیکی مشعردر . ش . [آمین] کلهسی بالاتفاق قرأندن دکدر ، لکن سورة کریمه او قوناقدن صکره سرتی و جهری علی الاطلاق صلاتده [آمین] دینامسی مسنوندر . ق س . صلاة جهریه ده امام [ولا الضالین] دیدکده کیزک کنسدوسی و کیزک مؤتم سرأ [آمین] دیرلر ، چونکه خواجه کائنات علیه افضل التحیات افندمن [اذا آمن الامام قائماً] و افاق تأمینهُ تأمین الملائکة غفرله ماتقدم من ذنبه [بیورمشدر . امام شافعی حضرتلری صلاة جهریه ده سرأ تأمیننه مخالفت ایلدیکندن مذهب شافعیده امام ایله مؤتم صلاة جهریه ده جهرأ [آمین] دیرلر — ملتقی شارحی داماد .

برکت زاده اسماعیل حق

تم تفسیر سورة الفاتحة



تاریخ اسلامیت

نام مستعار بده دو قور « دوزی » نک ترکیبیه مترجم رساله سنه

قارشى ربه

— ۲۲ —

ابو سفیان « رض » ک پدری حرب بن امیه خیلی زمان مشارالیهک ندیمی ایدی . مؤخرأ جوارنده بولنان بر یهودی مومی ایسه حربی سب ایتمش اولمغله حرب مزبورى قتل ایتدیردی . بوندن طولانی عبدالمطلب حق جواره رعایتله حربدن یوزدوه آلوب مقتولاک عم زاده سنه ویردی و بردها کنیدیسیله کورشمیدی ، کرمای عربدن مشهور عبدالله بن جدعانى ندیم اتحاد ایتدی .

ایشته بو قصه ده عبدالمطلب حضرتلرینک امویلر علمینه بیله نافذ الکلم اولمسنه دلیل اولوب دو قور « دوزی » نک سردایتدیکی ادعانک بطلانی میدانه چیقاریر . بوندن دها غربی ده واردر . شویله که نبی تمیمن بر رجل عقبه مناده حرب بن امیه تصادفله کنیدیسنه تقدم ایتمش . قریشلر ایسه باجمعهم حربی تقدیم ایله کنیدیلی تأخر ایتمش عادت ایتمشلرمش . بوندن طولانی حرب رجل مزبوره خطاباً « بر کون سنی مکده کوررسم حدیکی بیلدیرم » دیمش . آره دن بر مدت مرور ایتدکن صوکره تمیمی مکیه کیرمه مجبور اولوب حرب قارشى نبی مجیر اوله جق کیم واردر دیه صورمش ، عبدالمطلب بن هاشمدن باشقه کیمسه یوقدر جوابنی آلمشده کیجه وقتی کلوب عبدالمطلب قابوسنی چالیدی . زیر وغیداق نامنده کی اوغلاری قابونی آچهرق کنیدیسنی مجیر اولدیلر ، حمایه لرینه آلدیلر ، ایراسی کون برلکده مسجد حرامه کیردکلری انشاده حرب بی محابا تمیمی به بر طوقات آتدی . « زیر » ده قلیجی چکدرک حربک اوزرینه هجوم ایتدی . حرب فراره قدم باصهرق عبدالمطلبک خانه سنده صولوغی